


瑞金縣志卷八

武進張國英重修



人物志中

文苑

德行者士之本也文藝者士之末也古今來孝子忠臣仁人志士半皆恂幅無華不屑屑以文見而已為天下之至文矣人亦何必以文傳哉顧經義之學實有功於聖賢詞章之流亦無慚於大雅儒者著書立說藏之名山傳之其人亦求所以載道而已至若燕落空梁池生春草詩名蝴蝶詞號鷓鴣雖片語單詞昔人亦往往稱道之弗衰瑞邑

瑞金縣志

卷八

文苑

偏隅自楊謝諸君而後流風餘韻猶有存者安見今必異於古所云乎

明

胡來章性情溫厚才思穎敏經史百家靡不淹貫萬歷壬子鄉試卷為建昌司李陸鍵深賞擬解主考抑置第二陸爭之辭色俱厲乃袖卷出有暫擬副元甯侯來解之評再赴科不售乃曰吾命也夫嗣後絕意功名惟與弟來向來賀商推古今束修自好士論美之

楊春震字子東萬歷壬辰歲貢任秀水主簿志氣宏放不拘繩檢日與諸名士賦詩彈琴遨遊山水一時稱為吏隱去

官後益潛心義理之學著有學孔編記過錄若干卷深得程朱宗旨一時學者翕然宗之

舊按乾隆初學使趙大鯨訪求遺書文內開楊春震瑞金人曾任秀水主簿其人學術純正見地超卓著述甚多兩浙學者至今猶有知其人傳其書者今有無子孫所遺撰著共有若干種無論已刻未刻悉查取呈覽文至訪其後人竟無尺簡寸牘之存考族譜及縣志所載亦僅有學孔編記過錄書目而已其原板已散失不可復見嗟乎士人窮年著述思以垂之不朽乃百有餘年而其子孫且不能舉其書名苟非學使搜訪殷勤則故

瑞金縣志

卷八 文苑

二

鄉人士且不能知其姓名况學問乎可勝浩嘆因附識于此

楊永昊字宗聖萬歷丁酉歲貢賦性儉約學問淹貫言語呐呐如不出諸口然間里有爭訟每質成焉永昊和顏勸解聽者感其誠每爲折服生平善于誘掖後進經其指授者皆有成就邑侯呂若愚品其文如精金美玉能開風氣必此人也已雖屢躡場屋子以傑登賢書歷任都勻知府以位歷任益府教授孫兆隆兆斗兆年皆有文名曾元繼起科第不絕瑞邑數衣冠之族必首楊氏云

楊兆隆字汝基邑諸生都勻太守以傑長子母夢龍而生名

之曰隆生有異質七歲能日誦千言稍長隨父任卽能助理爰書時有所損益年二十爲學使黃汝亨所首拔明年與叔維節希元及朱敬之謝子啟士芳結社赤水號赤水六雋爲文沉鍊有力訂史漢諸書評之曰史晶嘗謂光武不以更始貶聖唐祖不以鄴公貶名故項氏之失不在弑義帝其持論不苟阿前人往往如是事父孝愛異母弟多推予田宅與朋友交以敬信爲先父致政歸銓部論黥功欲以副使起用隆不可卒成父勇退崇禎丁卯省試歸舟過臨江橫梁夜半遇盜同二謝俱赴水死維節私諡之曰剛慧陳際泰爲作傳張溥作志銘艾南英表其墓并選其

瑞金縣志

卷八 文苑

三

制藝入明文定文待中兆隆從弟兆先字汝開拔貢年少有文名早死無後士論惜之

謝長良字子啟邑廩生禹州知州元賀庶子九歲父卒哀毀如成人嫡不能其母幾致訟長良匍伏哀告誠意懇切嫡爲感動後遂歡愛無間與楊維節朱敬之等相友善力學攻制舉業陳大士評其文曰元詣秀立標格一新亦深性命之旨作四書辨魔論著綱目諸史爲君子錄毅然以斯道爲己任丁卯秋闈罷與楊汝基姪士芳同遇盜于橫梁溺死維節扶其襯以歸艾千子爲作謝孝子傳

謝啟彥字士芳邑諸生元賀孫少年刻勵嗜學好古爲文追

踪先輩大家與叔長良齊名丁卯同死于水友人楊維節
悼之曰小心狷介樸性容與不因人熱亦不因人冷可以
知其人矣

楊兆誠字爾時一字在修生而穎異家本素封獨無純綉習
讀書釣月亭一老僧佐其飲食去家不數武竟月不一至
門年十五籍諸生集同志爲文社與胡正則及其族人長
世爲性命交嘗曰太祖命詹同曰爲文明理義通世務予
益一言曰抒性情文無性情紙便可燒予臨文戰戰非是
三者不敢言也學使蔡忠襄公評其文曰如拂素絃于清
泉白石間令人耳根清絕生平清潔自好遇富人及有勢

瑞金縣志

卷八 文苑

四

焯者終席不交一言或先爲避去每見貧士村老輒與之
歡然爲樂好讀離騷經性多愁憤逢秋則感遇悲鬱觀其
意似汲汲不樂久留者年二十一遂卒時論惜之

朱時泰幼穎敏能文以叔祖國卿爲師弱冠補諸生籍試輒
高等虔撫傅振商課各屬諸生拔置第一梓其文以行丁
卯與楊謝同舟至橫梁遇盜四人咸入水死時泰若有人
扶之獨得不死歸益發憤竟鬱鬱不得志而卒

蔡日昇字起東生有夙慧八歲卽能成文十一歲赴縣試大
令潘舜歷見其幼試詰之日昇應對如響作文轉瞬輒就
潘奇之取列第二是歲補諸生籍郡人咸稱爲神童年二

十而天聞者惜之

李沾字崇慶年七歲善賦詩能草書及大字都憲曾公召試之深加獎異將聞于朝尋卒

癸亥志于隱逸仙釋後附此一條標曰神童其所載能詩善書固文學之選也不應另爲一類但不詳其時代則將何屬而傳有都憲嘉獎云云意必有明南贛設立巡撫之時乎但查張府志白西江志自有巡撫南贛都御史巡按監察御史及巡撫江西都御史並無曾姓其人何耶姑仍舊志而附之有明文苑之末以俟知者

國朝

瑞金縣志

卷八 文苑

五

楊以旦字非儔天啟辛酉鄉舉與族弟維節皆少年科第文名相頡頏維節成進士以旦連不得志于春官癸未下第候除畱住京師甲申三月之變賊大索士人之在都者以旦貌偉長而美鬚髯易丐服出城得不死及南歸里中鼎沸以旦以一身爲邑人倚庇任勞任怨排難解紛喪亂既平怨家以事中之幾不免久之乃解收就德化教諭七年去其官家居閉戶著書與雩邑易去浮相友善晚年尤以學術相砥礪云卒年七十六

朱世官字仲銓號遯庵幼聰慧父儒褻督之極嚴溽暑隆寒課無虛日十歲熟五經秦漢唐宋諸大家文年十六補博

士弟子尋食餽崇禎末羣盜殺人及饑疫死者白骨蔽野
世官率僕夫拾瘞前後以千數計其遠鄉不能至者白縣
令諭各鄉居民收掩之家素貧資教讀以自給凡經其指
授者皆爲一時知名士順治庚子舉江西鄉試第五人五
上春官不第遂閉戶著書非公不至令室然遇事有關於
一邑利害者必慷慨指陳不避忌諱聞者無不悅服邑長
有疑難事輒就其家謀之年七十以疾終有青竹山房制
藝行世

謝適字怡古邑廩生長良嗣子淹博於五經子史皆能背誦
好吟咏與汀黎士宏爲莫逆交大梁周亮工深許其詩謂

瑞金縣志

卷八 文苑

六

雅淡閒曠兼韋劉之長先是瑞少言詩者風雅一道自適
倡之刻有連峯樓詩集續高士傳兩間吟行世 贛州府志

楊以叡字惟明幼穎悟嗜學工詩慷慨負意氣不屑就童子
試知縣錢江聞其名強之不肯出乃命補卷入呈遂置之
第一是年籍郡諸生與同邑謝適相友善恣情山水互相
唱和其詩跌宕自喜下筆飄飄然有仙氣兼精書法繪事
篆刻時人稱爲四絕所讀書處曰汲亭踵門求詩畫者日
無停晷以叡把筆略不經意輒工甚長汀黎愧曾甯都魏
和公皆與爲深交年四十三卒著有汲亭詩文集共十卷
楊以凌字惟霄邑諸生幼有雋才沉靜嗜學作文好爲幽苦

深澁之思得一題嘗思之終日不能成篇既成輒佳絕喜
讀古書尤精于史學康熙癸卯功令罷八股制藝改用論
策乃拊髀大喜曰此吾輩上治安萬言策時也及就試復
不遇已更復八股屢試不售遂鬱鬱而卒年三十四零都
易學實志其墓著有頤堂集詩古文制藝共若干卷

楊永植字青嶠順治乙未歲貢爲人志氣宏放豁達有餘濟
才好讀書于書無所不窺少負才名復任俠自喜所交遊
盡一時名士文采風流照耀閭里知縣錢江故名進士于
人少所許可獨與永植折節爲行輩交邑中利弊或疑獄
不能讞者皆取決于永植有村民以毆擊營兵觸怒其帥

瑞金縣志

卷八

文苑

七

帥誣爲叛移縣具牒申請屠之永植白于令事得已民至
今頌之與同邑謝怡古長汀黎愧曾族惟明惟莊倡爲詩
古文學著有悟雪堂集

賴時鳴字士蔚康熙丙寅拔貢優于文學尤敦士行性渾穆
與人交不翕翕熱亦不落落涼終其身如一日雅好施與
常曰人苟存心利濟無論窮達于人皆有所裨故自宗黨
舊交及鄰里鄉人婚嫁失時者不能喪葬者餒者凍者疾
病者以暨賑荒理齒梁溪登衢一惟時鳴是賴時鳴每傾
囊倒篋樂以相應嚴坑橋圯所費約數百金時鳴獨力成
之藍玉圍有木橋屢爲溪水所衝折鄉人欲易以石請于

時鳴諾之未成也時鳴疾革易簣以屬其子若孫言訖遂終時丙戌三月也五月朔日洪水泛漲時尚未葬柩隨波下至藍玉圍廢橋柱側柩淺住不流次日其家蹤跡得之遂鳩工伐石急成此橋然後迎柩以歸人曰此殆時鳴之靈欲其子孫速成此橋歟遂相傳以爲異事焉

楊以儼字惟莊康熙辛亥歲貢永元長子生而穎敏既長益折節肆力于學家多藏書不務爲泛涉專心精究其義期于自得所作制藝匠心深研堪與非非室相頡頏刻有強恕齋古文吳江張太史稱之曰積理以植義潤氣以達辭不屑屑于架度波瀾條暢扶疎直自攄其所欲言而繩尺

瑞金縣志

卷八

文苑

八

井然風神自溢卓然成一家言者也

贛州府志
傳跋合訂

楊兆年字爾逢以傑第三子順治丁酉歲貢任宜黃訓導少刻苦讀書夜不解衣帶三年卒業于經史諸書弱冠入畱都護季父維節喪得盡交都中名士喪次草季父行狀滔滔數千言走筆立就文不加點大司馬呂公維祺奇其才亟稱之名由是大噪歸益刻意著書掉鞅凌厲有不可一世之概戊子廣寇圍城三月城幾陷兆年爲文乞師于贛者七于汀者十二汀帥賀某壯其辭遣遊擊李某率偏師來援圍始解又嘗條陳本邑災傷懇切詳到當道感動爲減徭役一等其識力精卓務爲有用之文類如此著有栩

栩園文集

楊枝姓字德一兆年子少穎悟喜讀書年十四受知于學使者補諸生籍順治三年舉家避兵陳石寨寨潰死者相枕籍姓爲兵所執置大岡上立以鳴鏑注之不動擬以劍又不動乃捨之挈以入營枝姓廉知其父與兄弟傷重未死號泣哀求聲徹數里俘者感動縱之去且與一雞令煮熟人與汁一杯卽甦乃走城丐醫治之裹創傅藥往返徒跣六七十里崎嶇崖塹間日以爲常父兄弟賴之得全爲人表裏如一溫恂寡言性不喜見貴人常曰見百貴人不如見一古人雖以文字受知于當事一報謝後絕迹不復往

瑞金縣志

卷八

文苑

九

爲文務自立一人言不徇時好以此得名亦以此不過年四十二以疾卒于南昌

楊兆嶠字亦臨邑庠生以儼子生有夙慧六歲能屬文讀書若理故業旣長爲文好爲奇詭之思每構一藝思之竟日或二三日孤情元旨深入無際往往有欲歌欲泣忽笑忽罵之概識者以比盧仝李賀固知其非貴壽徵也爲人跌宕不羈見要人及富人子輒引避之或不與一語而喜與傭保力作者相周旋年二十三得咯血疾卒刻有遺稿若干卷

馮嘉瓚字章度幼而聰敏塾師授以經書依口輒成誦好學

嗜古博涉經史下筆爲文千言立就弱冠補諸生籍累試高等年二十五而夭孝廉楊方英爲序其遺稿以行

楊長世字延會號六逸順治己亥歲貢性元靜朴邀于世事渾渾若無所知惟酷嗜讀書自幼至老未嘗一日失學生平絕不談貨利不能辨斗斛權衡其教人以砥礪名節爲先平居厚重寡言笑至談及忠孝大節輒面發赤凜凜不可犯復慷慨負意氣有母族李惟上陷冤獄傾囊出死力救之卒雪其冤邑里役不均往往累及貧戶長世力言于太令霍禹謨照糧均當民困始甦生平喜扶進後學凡經其指授者行文悉有法度癸亥纂修邑乘紀載綜核詳明

瑞金縣志

卷八 文苑

十

有體年八十餘猶閉戶校讐目覽手抄日無甯晷暇則與子姪友朋掀髯快談興會颺舉上下千古聲琅琅如洪鐘河傾峽倒移日不倦甯都魏和公以比黃叔度汪汪千頃澄之不清滄之不濁長汀黎愧曾與和公書云六逸先生劭德高文父子間自相師友近日太邱元方之流其爲名流所推服如此康熙乙卯除興安訓導辭不就著有影居詩文集若干卷子以兼以凌另有傳

楊兆鳳字爾翔生而穎異總角時受知學使蔡忠襄公懋德侯廣成公峒曾俱以遠大之器目之兆鳳益自奮厲淹貫經史沉浸濃郁發而爲文章奧衍宏肆一時推爲領袖後

以歲貢任上饒訓導上饒自兵燹後學校荒蕪人材寥落
蒞任初卽捐俸修葺學宮以古學砥礪諸生士風爲之不
變宋中丞犖以江西詩派課十三郡教官錄鳳第一兼工
書法筆畫遒勁寸縑尺幅爲人所珍年七十卒于官著有
寓鴻亭詩古文若干卷

楊方英字聿千康熙辛酉舉人幼警敏讀書數行俱下家貧
往往炊爨不繼方英手一編不少輟年十九補邑諸生自
是益肆力于學凡六籍三史以及唐宋大家無不精熟爲
文疏暢條達而姿態橫生有行雲流水之致自領鄉薦屢
上春官不第需次得吉水教諭而英已卒爲人慷慨重然

瑞金縣志

卷八 文苑

十一

諾胸次灑然無崖岸斬絕之行與世周旋不激不隨重夫
義所關昌言不諱凡里中有大興除當盤錯紛拏人難措
手方英數言立決時出金錢以佐之故事多就緒人有緩
急告之無不立應故常爲人所倚庇人亦不知其爲貧士
也當彌留時未嘗一語及家事獨呼友人握手訣別危坐
而逝年六十九子于觀另有傳

謝惟璧字無瑕號荆庵博聞強記該洽羣書尤善草書精二
王筆法癸丑領歲薦辛未授都昌訓導嘗謂諸生日士子
讀聖賢書以忠孝爲本文章緒餘耳若雕繪其文而腥穢
其行此宮牆所送也馬中丞深重之令副白鹿洞講席丙

子致仕歸祀都昌名宦著有樂天集

楊大成字師集篤志好學家貧無書嘗借經史于富室讀之忘寢凡九十晝夜不輟既成誦卽歸之其刻苦如此爲文嚴整有法度然不假苦思搖筆如湧泉與人交坦易不設城府授生徒多知名士後以明經授弋陽訓導未任而卒年八十二

謝重揚字敬求聘之季子年十九爲邑諸生乙酉舉于鄉生平好學博覽羣書深心刻意父子兄弟自相師友築別業于西郊名墨花莊教授生徒不與聞外事爲文如寒潭皎月不染纖塵馬中丞如龍刊其文校士錄中極推許之乙酉座主趙晉始欲以重揚魁其榜誤置于後深爲惋惜生平性至孝事父母無間言歲丁亥病革母尚存彌留時他無所語惟呼母不絕口而卒聞者哀之

楊文明字質生歲貢任瀘溪訓導博學善屬文尤精易禮少受知于學使侯峒曾後年益高學益茂所訂周易講義爲學者所宗贛南憲副劉蔭樞延之署中談易深爲推服後卒于任年九十一

鍾徽鳴字韻諧少爲諸生屢試前列家貧飭粥不給親友饋遺之輒堅辭不受性無他好惟嗜書讀之窮日夜雖冱寒盛暑不輟爲文汪洋浩瀚自成一家言人謂取科第如拾

芥耳乃困躓場屋食餼二十餘年僅以歲貢終時論惜之
朱衍字湯孫邑諸生家極貧嘗并日而食刻苦向學父母欲
其易業謀生而衍志益勵爲學不事章句好讀史上下數
千百年貫串精熟故其爲文沉摯踔厲議論宏肆非經生
所有氣岸巉峭與人交少當意者性好飲醉則狂呼罵坐
人亦以是少之孤潔自好非義一介不取殆所謂狂而狷
者歟

劉嘉廣字仁夫康熙癸未歲貢自幼聰穎好學弱冠籍諸生
爲文超異有矯矯出塵之致凡九赴棘闈不售益肆力于
學以師道接引後進得其指授者皆稱知名士性恢諧善

瑞金縣志

卷八 文苑

十三

談論人多樂與之遊友朋讌集嘉廣不至舉座輒爲之不
歡云

劉清字秋濤邑諸生賦性耿介不苟言笑于書無所不讀九
躓棘闈益自奮勵雖世居城內終歲手一卷閉戶杜絕塵
囂家園課子昕夕不少輟子琛瑋皆另有傳

劉沛字澤羣邑諸生好學嗜古窮年不輟爲文自出機軸不
肯襲人牙後性最孝友重然諾接引後進循循不倦尤廉
於取與家故貧落落自守恬如也屢躓場屋賣志以歿論
者惜之

劉瑋字崑液邑諸生清之次子也有雋才五歲塾師所授句

讀一再過卽成誦年十七受知學使高瓚以國士目之爲
文跌宕豪肆有不可一世之概尤嗜古于經史百家之書
博通淹貫所作詩歌古文詞長汀黎愧曾深加歎賞年二
十得咯血疾歿有淡齋集一卷

鍾呂字協六生而穎異過目成誦讀書不屑屑于章句務爲
有用之學幼補諸生籍尋食餼屢爲學使所賞拔性慷慨
重然諾輕財貨朋友以緩急告者爲之籌畫仗助毫無吝
色邑令錢江有大事疑而未決者必就問焉順治辛丑循
次當領歲薦及期而逝子定曦已卯副榜

楊兆涑字涑水邑諸生以兼長子也才識明敏器量過人讀

瑞金縣志

卷八 文苑

十四

書不屑蹈常襲故務窮極幽微標新領異往往發千古未
發之奇自經史子集外彙及星卜醫律皆精洽通貫父任
涉縣時錢穀簿書悉所經理胥吏無敢作奸者旣告歸頤
養林泉兆涑撰杖奉履依依孺慕事繼母友愛兄弟內外
無間言迨父歿兆涑亦已老矣遂絕意仕進日與家庭羣
從子弟揮麈瀟茗縱談名理娓娓不倦性喜吹笛風清月
白賓從閒雅胡牀危踞間弄一曲意興遄飛人謂不減楊
鐵崖之高致云晚築室名餘堂課幼孫方立成進士官編
修著有餘堂詩籍并集句若干卷弟兆滂字汝水歲貢生
爲人倜儻風流超然流俗之外其詩亦如之讀書具有特

識每發一議往往驚其座人生平著述不多所刻詩曰硯
北偶存僅若干首而片羽吉光已足爲學者之所珍矣
謝重拔字樹漢號柳渡康熙戊寅拔貢任東鄉教諭幼負雋
才爲諸生試輒冠其曹入成均與諸名士角試榜出重拔
名第一于是文名大起名公鉅卿咸欲重拔出其門下而
重拔數奇每俛得而復失遂縱遊燕齊吳越間所至倒屣
相迎選勝題風流照耀山川旣倦遊乃閉戶課二子濤
溥讀書俱有文名張損持太史聘同修府志其義例多所
商訂著有鴻雪吟秋水集持世書

楊枝遠字季重雍正己酉拔貢生有夙慧總角日背誦數千

瑞金縣志

卷八 文苑

十五

言旣長父兄命習舉子業枝遠謂此可不學而能因肆力
于詩古文辭尤長于詩家本世族日與羣從少長自相唱
和未弱冠已哀然成集吳江張太史尚瑗見而亟稱之爲
序而登之版後受知于學使王思訓送入豫章書院時相
國白公巡撫江西方修通志聘海甯查夏重主其事一見
枝遠卽薦與分修白公亦大器重焉適臨川李閣學紱奉
旨祭南海舟泊滕王閣下枝遠投之以詩李公大加歎賞曰此
吾鄉之李青蓮也故一時名流如萬侍講承蒼馮庶常詠
陸編修奎勳皆折輩行與交家雖貧而意興豪放跌宕自
喜裘馬翩翩遍遊名公貴人間有所得輒隨手散盡自謂

取一第如俯拾地芥耳庚子卷已入彀以限于額見抑遂連丁內外艱服闋學使李鍾僑拔貢成均是科秋闈復不售遂鬱鬱成疾次年客死郡城年三十七聞者傷之先是枝遠從叔兆涉字漳水族姪方萌字聿培皆以詩名于時兆涉一往俊逸有陸劍南風味方萌獨好爲清幽苦澹之吟張太史嘗稱之曰此賈浪仙也因徧和其梅花詩若干首已而兆涉以二十九歲卒方萌以三十六歲卒三人均不得老壽以死人謂是造物之忌才也其信然歟

楊枝衍字德本邑廩生都勻知府以傑孫兆來子出爲國博嗣以任子兆光後爲人孝友有至性方五歲時值鼎革之

瑞金縣志

卷八 文苑

十六

變本生父母攜之避亂銅鉢山未至父母爲亂兵所殺枝衍以幼得免匍匐積血中撫兩尸哭不絕聲次日家人踪跡得之始抱入山寨日夕哭益厲及爲後于兆光三年所後母貧不能安其室枝衍再失怙恃窮無所歸依兄嫂以處輒能自奮欲就塾師學以不能具脯修無收之者族祖以儼見而壯之收之于家教養備至枝衍感其義閉戶刻苦五年而學大成于書無所不窺尤精心性命之旨所著四書液深得先儒不傳之秘熟于先朝遺事諸所記載得之身親閱歷委曲詳明人咸以一邑文獻推之生平痛親死非命每讀書偶有所感輒嗚咽流涕悲不自勝以親不

逮養義不就試後人有勸之者謂身爲人後何忍使國博
家聲夷于氓庶不得已始一往遂補博士弟子員惟日與
後生講明義理之學未嘗一赴科舉因自號遜齋年七十
七終著有天傭子集選楊子心問四書液若干卷子方堅
歲貢生方杏國學生方晨辛酉舉人方復庠生俱以文行
著稱方晨另有傳

楊兆嶠字又平邑諸生幼魯鈍不能強記年二十二始刻苦
爲學足不窺戶者數年遂博涉經史諸書發而爲文章疏
古清澗尤長于論史張太史尚瑗謂其文凡三變晚作則
老勁無敵學使沈翼機亦極歎賞之年八十二卒著鈍齋

瑞金縣志

卷八 文苑

十七

集兆嶠有友張挺鳳字桐引邑廩生博學能詩善書法生
平著述不輕示人故無傳於世其行楷墨跡則人多好之
朱雲映字奕瞻康熙癸酉副貢夷陵知縣華嶽孫弋陽訓導
康侯子博文強識爲文下筆千言立就才器橫發有俯視
一切之概少年卽爲長汀黎愧會甯都魏和公所稱賞晚
益收斂以就古人矩度己丑續修縣志雲映之論著尤多
次年張太史損持致書延修府志而雲映已卒矣著有餘
閒虛室詩文集

賴惟覺字睿存幼穎慧初執筆爲文卽驚其長老力學嗜古
于經史百家窺其堂奧雅負氣風骨稜稜論事論文矯然

自勵不隨流俗爲是非年五十卒著率園遺稿孫聖儻字
豈祿姿性明儻少有祖風家故貧及長刻苦自勵足不履
公府廚烟常斷聖儻怡然與學子縱談名理亶亶不倦晚
膺歲貢著檢齋文集

楊兆暉字又絡邑諸生篤志好學敦行不怠生平手所抄書
不下千餘卷五經廿一史悉有評斷尤善援引後學每遇
有志之士輒極口獎借教誨飲食始終不倦士由之而成
就者多晚年讀史灼見天人感應之理不爽銖黍乃摘其
事之可鑒者彙爲一編曰勸懲錄又採其事之異常者爲
靈異新編皆深有益于世道人心云

瑞金縣志

卷八 文苑

十八

陳尚恬字澹村康熙辛卯舉人任吉安永豐教諭博學工詩
古文敦行孝弟其教士一以實行爲先文藝次之在任十
餘年士風丕變雍正二年薦舉卓異會以疾不果行旋丁
父艱服闋補德化教諭卒于官年五十四著有遠塵堂集
子存仁字學山年少能詩二十而天學者惜之

鍾秉用字尚銓雍正癸卯舉人性聰穎日誦數千言弱冠補
諸生籍每試輒冠其曹試藝出人爭傳誦家故貧資館穀
以供朝夕旣而弟子日進巷舍爲滿經其指授者往往弋
科名以去秉用顧困于場屋者數十年瀕老始舉于鄉一
上公車不第遂絕意仕進益讀書稽古務期有益于身心

性命而歸之自得與人言必依于忠孝信義間有行踰禮法者聞秉用警欬每慙慙無以自容終年不入城市士論稱之年八十二卒著有月軒詩文集

楊枝經字寓五雍正丙午舉人生有夙慧年十四受知于學使劉炎有奇童之目每試皆前列制藝融經鑄史卓然名家家奇貧刻苦自勵雖舉於鄉未嘗輕見當事之面連喪父母絞衾窀穸之費悉出已力不一毫分任諸弟經營拮据備極勞瘁遂感疾年五十五卒鄉黨咸歎惜之

楊方晨字聿挺乾隆辛酉舉人父枝衍以行業文章師表一邑方晨幼秉庭訓文名日著尤負翰濟才一室之內自琴

瑞金縣志

卷八

文苑

十九

書竹策以至一履一屐位置咸得其宜郡邑公事他人束手莫措者方晨一爲部署莫不就緒晚年爲知新建縣黃登穀所得士一見咨以政務侃侃敷陳黃君敬服延入內幕倚之如左右手戊辰上春官不第還適黃君調任鄱陽新舊皆劇邑錢穀浩繁方晨代爲查覈凡數十晝夜不輟無毫髮之差人咸驚異之一夕無疾而卒年六十二

賴聖偲字仍翼乾隆二年歲貢生而穎敏嗜讀書年十六補郡諸生試輒高等旋食餼雖連不得志于鎖闥而志氣彌銳博極羣書工詩歌古文辭天性純篤不苟言笑以父命出爲仲父後事所後母與本生父母怡愉色養終身無間

言善處伯父昆弟訓飭子弟一以禮法家庭內外約九十餘人從無忤言忤色與人交坦易無町畦尤好解推周人之急濟人之難一時翕然稱之乾隆十七年選授安仁訓導方擬就道遽以疾終年七十子定瑤歷任阜城知縣安州州判

楊于觀字及孚歲貢任廣昌訓導幼而能文年十四補諸生籍十九食餼每試高等試牘傳誦四方邑人士爭延致爲師雖文譽日隆而恂恂退讓入無貴賤接之必以禮人咸稱其長者司訓廣昌待士一以至誠未嘗嚴立教條而士自敬憚之蒞任七年以疾卒于官諸生皆慟哭失聲喪歸

瑞金縣志

卷八 文苑

二十

之日白衣冠送者數百人逾百里外祭奠不絕子其重字旣威幼負文名父愛之篤其重亦色養烝烝不忍一息少離左右趨承笑語竟日不倦年四十餘猶依依如孺子然後膺歲貢越數年而終

楊緣字勿二邑諸生資性素鈍能刻苦自力于學少受知于知縣錢公江延入署訓其子姪課時藝暇輒勉以古學緣因肆力于詩古文辭後日以有聲與同邑楊以叡鄧琳輩互相切磋有別業自稻香園其唱和諸作至今猶膾炙人口焉子長枚字千策能世其業弱冠爲諸生試輒高等邑中習舉子業者多從事之往往得雋以去而長枚乃屢躓

場屋僅以歲貢終時論惜之又有名士章字著吉者綠之族人也受業于綠年少卽以詩名性慷慨喜談兵中年嘗受知于學使者既招覆以應對不明抑之後遂屢試不售著大約堂詩集若干卷

楊枝雲字德藹一字沛庵歲貢生父兆纓家貧以教讀自給枝雲爲執炊爨父與生徒講說經書輒側耳潛聽若深會其意父因教之作文字信筆直書咸有思理父喜因縱之學年二十方就童子試爲學使王公震生拔冠一軍自後每試輒第一以先輩大家之文爲後進倡一時文士翕然從之其學于六經子史皆窮其原委故發爲文章言論悉

瑞金縣志

卷八

文苑

二十一

有根據爲人剛介不屑與時俯仰家貧非義之財一介不取屢躡場屋毫不介意卒年六十一子方山字聿靜能讀父書弱冠補諸生文名方大起年僅三十而卒

謝重捷字敏上歲貢任湖口訓導孝廉聘之冢子重拔之兄也昆季四人並以文章知名于世旣而三弟並少年舉明經膺鄉薦次第需選京師重捷獨久困諸生學益勤德益茂教督子若孫皆能紹其家學馳聲于庠垂老得湖口一甌敦修學校教授不輟旣十年以老乞歸多士攀留之不可設供張祖道者數百人依依不舍其師弟相愛之情尤爲近今所希有云

鄧琳字次虹邑諸生幼負異質長而讀書服古兄弟四人互相切磋後經喪亂父兄繼亡琳亦刻苦自勵與同邑楊綠楊以叡交最善文名亦相伯仲綠嘗爲仇家所訟幾不能解綠避之他邑琳借貸多金潛爲之解散事已而綠不知其篤于友誼如此

楊燦字展奇歲貢沉靜簡默無他嗜好惟閉戶讀書潛心經史與人言呐呐如不出諸口及與之縱談名理商榷古今是非則縱橫貫串上下數千百年如指諸掌聞者無不驚服生平不妄交惟與族兄又平深相投契其文名亦相頡頏云

瑞金縣志

卷八

文苑

二十二

楊兆盱字巨夫雍正癸卯拔貢生平好學深思少年卽以制藝知名于時康熙丁酉鄉試卷爲知龍南縣徐公上所得力薦之主司乃以額足見抑徐公深爲扼腕榜發後馳書延入內署時徐公有弟禹航乃好古博學士也一見深相投契兆盱因大肆力于詩古文遂以是名其家後屢試不售僅以拔貢終焉士論惜之著有天放齋詩文集

楊其寬字旣御明經廣昌訓導于觀長子孝廉吉水教諭方英長孫也幼穎敏能文章爲祖父鍾愛兩赴童子試皆俛得而復失歸益刻苦讀書遂得咯血疾年二十三賈志以歿宗黨惜之妻毛氏矢志撫孤載節孝傳

賴高翔字羽拔賦性廉靜足不履城市好讀書博學強識優
于文行爲邑令霍公禹謨所器重舉鄉飲正賓壽八十九
卒

楊方立字念中號默堂年少負俊才初受知於學使仁和趙
學齋先生有國士之目乾隆辛酉以選拔貢成均中甲子
鄉試戊辰成進士入館選座主長洲沈歸愚先生深器重
之與論詩尤合先是默堂未第時與南昌明經楊子載武
甯學博盛於野爲至交詩古文詞旗亭唱遍及其久列清
班皇華星使承平著作傳播藝林癸酉丙子兩經典試滇
南丁丑充會試同考官皆稱得士擢禮科給諫巡視南漕

瑞金縣志

卷八

文苑

二十三

與漕帥清江楊公別釐積弊戒聲色絕餽遺漕政一清旋
授鴻臚卿丁亥乞假歸養抵里十日而卒著有默堂詩集
同年生相國朱文正公爲之序謂其清穆醇和具有廬陵
之勝非阿好也惜其數十年宦遊京邸於本邑風土人情
山川形勝未獲寄之謳吟雖有佳篇格于志例未敢濫登
予于繩貧且老又不能刀梓全集余擇其尤雅者四卷校
付剞劂俾邑人覽鄉先輩遺風庶幾慕而生學也

羅有高字台山由優貢生中式順天鄉試幼爲詞賦嘗擬司
馬相如楊雄之言及壯爲古文辭出入韓歐間言易主虞
氏翻禮主鄭氏康成劬及兵符技擊皆精治馬聞贛郡鄧

自軒先生元昌其學宗子朱子其言守前明薛文清公
國朝陸清獻公與道大適因偕新城魯士驥騫都宋華國裏糧
從遊後更師事甯化雷翠庭先生學益純粹都中彭芝庭
朱石君王蘭泉諸先輩咸心折之旋下揚子度錢塘過甬
東同年生邵雙橋適家居延至塾數載去遊普陀寓西湖
復走京師及歸而卒閣學翁覃溪贈句曰君非今之人眼
有萬萬古莫以漢學專輒罵宋儒腐邑侯惲子居傳曰台
山于書無所不窺精思造微必湊隙而出一時士論交推
之長洲彭尺木進士爲梓尊聞居士集行世

曾應觀邑廩生篤志躬行力學不倦尤好引掖後進簞瓢陋
瑞金縣志
卷八 文苑
二十四
巷晏如也著有史學輯要二十卷貫串古今瞭如指掌所
采羣書典彙攷古類編函史策畧諸書不下數十種統以
性理大全爲會歸簡括宏深折衷至當洵史學之津梁也
年七十餘卒家貧不能梓行于世名山之傳其誰與歸

新增

謝枝崙字沅圃居城南對岸南岡因以爲號性嗜古不喜制
藝以詩度日獨不習試帖作諸生鮮列高等昕夕據案誦
秦漢人文高歌漢魏盛唐詩句有所作鏤心刻骨而卒歸
於渾成廉介自守一二知心外不相往來永豐張鶴舫司
鐸瑞金賞其詩並重其爲人曰南岡吾老友不當在弟子

之列爲序其詩使梓行後邑令憚子居先生見其梓本驚歎曰高邈古澁包孕深遠既熟覽復曰澹古淡泊音在絃外瑞金詩家此格最高矣南岡卒子居往熱香酌酒額其總帳曰詩可名山又隸書題墓碑曰瑞金詩人謝南岡之墓

鄒靖字立夫號耐山生有異稟博學疆記於文藝無所不通幼時大父清潭以竹片書字教之能識數千字通其音義既長學詩文速就而工道光壬午登賢書五入春闈四薦不售遂以大挑選教官任贛州府學訓導學者麋至匠成日廣坊人嘗梓其紅樹山房試帖行世耐山曰吾學不在

瑞金縣志

卷八

文苑

二十五

是也所作古今體詩思致細膩格調清蒼張鶴舫進士爲訂定加序尤喜爲詩餘謂邑中前輩所未傳特闢一塗小令近秦淮海長調力摹白石梅溪在贛州觀察周公潤山重耐山將爲梓詩詞鈔耐山以疾歸里旋卒稿藏於家未果梓又有耐山之師劉忠愛者字敬旃號木庵工楷法喜鈔書務記覽爲辭章尤長於古近體詩羅臺山序其初稿後邑侯憚子居備覽爲加評點而木庵以貧故不能梓耐山嘗爲其師述略中有曰吾大父清潭公延吾師在家塾十年專教余讀應試諸體得法律固多詩古文詞亦蒙指授吾師遺稿在吾家他日吾刻詩詞草必將吾師稿並刻

以志淵源惜耐山歿後廬舍爲流寇所燬兩稿俱焚搜求
所獲吉光片羽而已聞者慨之

義行

漢太傅疏廣歸田後盡散其財以給里黨范文正公爲相時亦嘗立義田義學以贍族人其卽周禮睦婣任卹之遺意歟至如程嬰公孫杵臼之撫遺孤聲子伍舉之相友善氣節之士恆樂道之及乎修橋渡以利往來民未病涉視鄭大夫之乘輿濟人者厥功鉅矣瑞邑素稱純厚而慕義者尤衆往往師古人之意仿而行之雖十室必有其人茲特取其行詣之最著爲人所共見共聞而鑿鑿可傳者彙而錄之以爲好善者勸若傳所謂小惠未徧小信未孚是固爲有位者言之而不可以概一鄉一邑之士也

瑞金縣志

卷八

義行

二十七

明

李麓

見掾仕志

羅孟穩富而好善天順中豫章屬郡皆大饑朝廷命郡縣吏賑恤之孟穩載穀五百石至贛助賑巡撫以聞勅建坊旌之

周子智景泰四年大饑捐穀一千二十石助賑事聞勅建坊旌獎

湯巘景泰間捐穀八百石賑饑勅賜建坊

鍾永亨好義樂施居家孝友嘗捐銀八十兩助修勝因南塔寺沈南金舉充鄉飲正賓

朱崇義鍾子堅明天順三年邑饑各捐穀五百二十五石賑
饑縣上其事勅建坊旌之曰義民

危大用景泰間捐穀一千二十石賑饑勅賜建坊

湯璉字德廣景泰乙亥出粟六百石賑饑詔授冠服并給扁
旌之

易惟賢有魚塘三口在龍珠塔前知縣堵奎臨建塔賢慨然
捨入寺不受價值

湯雱字允恭成化丙午出粟八百石備賑授八品散官并旌
以扁

李鐸其先人嘗捐貲修羅溪橋橋後坍塌鐸復捐貲修復知

瑞金縣志

卷八 義行

二十六

縣周思文爲之記

賴學伊端謹好義督修學宮勤勞備著

蘇祥瑞有幹濟才力行善事改建學宮悉心贊畫又助修靈
覺橋以利往來捐穀出賑鄉人稱之

袁汝文性孝友爲鄉里所矜式尤樂善好施與家不甚饒而
周人之急老而彌篤知縣王耀文舉爲鄉飲大賓崇禎丙
子邑大饑捐穀二百石助賑巡撫劉給扁旌之子春蓉另
有傳

楊可儷字思華爲人醇正言語恂恂不見喜怒學者咸以古
君子目之子洪啟助千金爲修練貯備題敘旌表

楊勝森性樂施予修雲龍羅溪古城三橋捐貲助費不下數百餘金又施馮屋岡地爲義冢填塞魚塘爲合邑培風水其他施棺施藥之事多不可枚舉故常爲鄉人所賴云郭日和字融齋先世居贛縣良富田糧多在瑞金中歲遂遷邑之謝坊家焉性豪邁嘗捐貲以周貧乏宏治間寇猖獗結鄉勇應官募折衝取勝聞諸當事授義官嘗徵租之田舍一虎出道秀相與狎隨之歸馴若家畜孫惠嘉靖間爲崑山主簿言于歸太僕有光太僕爲紀其事義官之聲遂大著文見雜志

楊萬山少貧賈于市辛勤殖財然狷介知大義一日於道上

瑞金縣志

卷八 義行

二十九

拾遺金百餘兩堅立俟亡金者至問其姓曰密村羅氏父以逋賦入獄貸金輸賦將出父于獄者萬山驗其言無詐卽舉金還之其人願以半酬笑曰我取則全取耳何半爲卒不受其人感激而去萬山歸至家與妻同寢妻因而有娠越數月萬山遂卒遺腹生一子妻守志撫之成立其後子姓繁衍簪纓輩出人以為還金之報也至今羅姓子孫猶世世祀其主于廟云

楊孟雅字節齋性剛直無私爲人排難解紛族黨有事多就質于孟雅孟雅侃侃直言無所阿諛人信服之終無一後言者

梁謨樸實不欺流賊犯境鄉村被擄者捐貲助贖其死者爲之殯葬其他事多類此

謝賢王府引禮爲人恂恂謙謹薄取厚與黃沙路當要衢捐貲造橋行人便之

鍾承守仗義好施捐貲助修巽塔督理工程勤勞備著

胡尚佳性質純謹閒居衣冠必肅步履不苟教授生徒凡經其門者皆端方自好崇禎癸未督修學宮備著勞勩

胡奉曉字星儔性方介勇于行義人有緩急告之必勉力周恤見鄉族子弟告之以孝弟力田諄諄不倦後其子孫累世科第人以爲積善之報云

瑞金縣志

卷八

義行

二十

袁時中性謹厚著家範八章曰嚴家教守清約敬宗祖教子孫睦宗族惠童僕審婚姻勤職業諸子贄資賀屨等遵行不忘知縣呂若愚大書敦睦傳家旌之孫希宗捐產贍祭贍學贍差人以爲克承祖訓也

朱彥性豪邁多義舉鄉人有以無辜獲罪者彥捐重貲營救得以不死吉安王定貸本銀貿易獲重利詭語折耗逃避數年後遇諸塗其人果赤貧矣願以身償彥惻然取券焚之更與之金以資生雩都李中丞涑極推重之

蕭汝鸞捐銀一百五十兩助建巽塔知縣潘舜歷亟稱之
平喬進輸粟助賑授冠帶

毛英梅邑諸生性恬澹不樂仕進杜門課子力行善事老而彌篤

袁天相雅志詩書不求聞達延師課子禮數隆重平居多行善事鄉人法之

鍾承燮素行端方言笑不苟少習舉業不售遂棄去築室課子優游以老

廖一銳素守良善爲鄉邑所推重自少至老未嘗一至公庭鍾啟泰性貞介家雖貧乏織毫未嘗苟取鄉人有爭訟成質成焉出片言折之無不立服

朱黻號壬溪善卿父也慷慨好施貧來告者應所求無靳居

瑞金縣志

卷八

義行

二十一

距城稍遠里人病艱藥餌乃延醫于家製丸散以便遠近之取求每歲歉輒出粟以賑其鄉人當寇亂時鄉衆傷死無歸者購棺掩埋學宮圯捐田八十畝銀五十兩助修父明瑞疾革時屬以修武鎮橋及宗祠黻悉心區畫卒克成先志知縣呂若愚額之曰壬溪橋以其號名之也又建橋于別口以便往來甯都盧給事達爲之記

梁宗義儒官爲人剛毅端方尤多義舉捐貲建塾助築堤堰設義倉以備荒修橋路施藥棺建亭施茶行之終身無倦色

劉丕玉樂行善事賑饑瘞骸濟乏焚券鄉人德之年九十有

五

謝欽迎慷慨好義凡修橋堦路建塔培毓秀臺勤勞不懈煮粥救荒施藥施棺皆實心行之無厭忘

陳啟賢嘗獨力改闢羅厓磔達甯都大路所費多金又捐修東溪橋煮粥以食饑者邑人稱之

皮日廉有壩土四畝在東山寺南知縣潘舜歷欲改河道日廉將土送出予之值不受

曾克秦重義好施知縣潘舜歷建巽塔并建寺招僧住持秦捨田五十畝入寺

謝國泰輸粟助賑授冠帶

瑞金縣志

卷八 義行

三十二

郭乘鵬嘉靖甲申知縣鄧杞徙學宮于舊址卽今地也乘鵬

捐貲建明倫堂

贛州府志

鄧國和本縣建學助登泮池復捐田五十工送學贍用

鍾朝密好施予其子承都繼父志萬歷戊午捐田一百工入

贛州府學又捐田一百工入縣學事載學校志又捐五十

工爲本鄉備賑十工贍承三溪橋五十工充本家祭產

湯洪啟字元石邑諸生崇禎壬午授修練貯備四事例捐銀

一千兩貯縣庫虔撫王題請議敘授七品冠服并扁旌之

楊廷發庠生築室于龍珠寺側名紫松山房日集諸人課文

其中性喜施予友人有緩急飲助之無所吝時邑民報充

軍吏供應官府動至破家廷發條陳其弊于上官革之邑人稱德

李茂通好義守已足跡未嘗輕至公庭人稱其高

鍾應朝睦宗族訓子孫鄉里嘉之

郭宗珙性好施與拯饑乏捐貲掩骼歲以爲常常買墳地價已給矣後察知其已葬遂還券不索其值里人稱之

楊萬梁字文綵性慷慨好施予凡周急扶危及邑中諸大營建嘗捐千金不吝曾孫永元元孫以儼以儼皆知名于時

朱家顯爲人樸實好施予族里有不能葬娶者必拮据飲助畧無難色年百歲龐眉皎髮步履如常邑侯徐珩以其齒

瑞金縣志

卷八 義行

三十三

德聞于上官月給米以養之

謝文顯由選貢謁選當授縣佐不就退歸林泉杜門教子當事罕見其面時論高之

洪益泰隆慶二年捐穀七百石賑饑授冠帶五年捐修雲龍橋石墩一座

楊承恩捐貲修學勤勞備著

鄧惟元助修雲龍橋石墩一座

朱本堅獨力建風雨亭其子生員朱廷選朱邦傑修之視舊倍加堅固

鍾承都捨田十工贍石螺渡鍾良謨良鈞袁天相等各捐銀

成之厥後鍾良詔良誥兄弟又以渡邊圍屋施出以居渡
子

鍾仲鳴賴學欽楊勝掠鄧有聞謝仲銓謝元賢李文任楊可
嘉鍾思化楊萬明鍾承守胡大昊賴朝箕鄧有祥鄧必秦
楊勝未湯千之廖一英楊永揭鍾肇位楊正曉謝爵顯皆
助貲建造巽塔

國朝

朱璣胡奉訓俱邑生員慷慨有氣節順治初值江賊圍城數
月城幾陷二人躬冒鋒鏑晝伏水中深夜行岸上詣汀州
乞師總兵賀某初難之奉訓二人凡經一十二次望轅號

瑞金縣志

卷八

義行

三十四

哭聲徹于內賀感其誠遣偏師赴之圍始解民得全活皆
二人之力也

舊按兵寇志時乞師者尚有溫京廉鄧魁華二人舊志
不爲立傳且云皆胡朱二人之力不知何故特附識于
此

胡來賀順治甲午選貢兄弟四人俱好學有文名賦性敦樸
不喜浮華虛懷謙抑言規行矩綽有儒者風度

朱儒襄字赤城父善卿歿時襄尚幼事母克盡孝敬常遭里
豪侵侮含忍勿與較恐貽父母憂也值亂棄舉子業精醫
道施藥數十年壬田宗祠爲許姓所占已出貲買復時值

寇亂積屍遍野爲巨冢掩之後遇疾死而復蘇行善益力刻孝經感應篇功過格諸書築室青竹山課其子世官中庚子鄉試人以爲積善之報也

楊永元字羣先順治辛丑歲貢幼喪父及祖父惟曾祖父萬梁篤老撫之稍長連執內外五喪哀毀骨立幾至滅性家素封族屬以其笄子爭排陷之欲致之死而奪其貲永元含忍順受總不與較及成立子姓英英輩出而向之覬覦者轉微弱不能自存永元周其貧乏救其急難其人羞愧每自陳其前過永元反代爲掩護于是遠近咸推爲長者性喜客每多豪舉人有以緩急告者雖破千金不吝以故

瑞金縣志

卷八

義行

三十五

家稍中落益折節讀書築室于鄉藏書萬卷日與諸名流講學課文孜孜不倦雖屢躓場屋恬如也

鍾國延郡庠生賦性渾樸與人無欺每歎末俗澆漓以古道自處家固饒自甘粗糲而修橋登路施茶施藥施棺樂之不倦歲丙辰饑賑粥數月戊辰載饑亦如之捐修祠宇設贍差徭田蕪族中里遞之累暮年築室蘭若施田供佛與名僧閒谷朝夕叅討禪宗知縣霍禹謨特舉鄉飲卒年八十

王萬祥字迺茲郡庠生生平負氣節重然諾豪爽不拘繩檢嘗爲人排難解紛至破析衣食資不倦康熙十三年逆藩

構亂山寇蜂起萬祥團結鄉人築堡守禦鄰邑崖石寨賊尤猖獗四出焚掠于甯都擄得婦女數百口財物無算懼萬祥之躡其後也以書來請和誓不敢動其鄉一草一木但欲假道以還萬祥許之潛伏兵于險俟其至擊之殲焉所奪財物盡與其眾以空屋一所處其婦女已橫刀坐守于外遍招其親戚歸之于是賊相戒莫敢犯其境遂爲一邑保障死之日遠近走相弔哭皆失聲

鍾聲字聿五郡增生父懋選孝友樸誠爲鄉黨所重聲幼失怙母朱氏矢志守義教子亦嚴聲與妻楊氏婉愉敬順得其歡心順治戊子土寇作亂斗米值銀數錢聲走百里外

瑞金縣志

卷八

義行

三十六

負米養母祖祠湫隘聲倡族衆擴其前楹經營擘畫不遺餘力性剛直好義多才畧喜拯人之難遇紛爭者輒爲之排解邑有大務躬任不辭勞康熙甲寅閩藩叛汀僞將軍劉應麟擁衆壓境遠近奔竄聲率鄉勇多方堵禦一鄉恃以無恐丙辰臘月告急于甯都守將除夕遣千總張鳳星馳蕩勦合邑恐官兵擄掠聲等迎師數十里告以士女化僞狀鳳感其言秋毫無犯丁巳新正贛州副總兵周球統大師數千遲鳳四日到瑞比至民已安堵如故鳳旋師鄉人反側者夜出掠其行李是時守備線成功新蒞任欲發兵搜緝沙子岡至石背二十餘里村民頃刻逃盡聲諫止

成功按兵無動代緝首惡抵罪保全地方晚年杜門課子
安貧樂志卒年八十二

鍾肇儀字聖開庠生爲人醜厚謙和好學能文兼善草書篆
籀明崇禎流寇入境首捐貲募義勇破賊邑人賴之

賴惟宋字華廷敦本睦族訓子弟以孝悌爲先嘗念祖先乏
祀合羣從兄弟醵金僅十餘兩權子母息置田三百八十
畝爲贍祭贍學之費董修城垣堅固倍于他人所築崇禎
癸未建

文廟捐百金爲倡首又悉心竭力以蕙其事餘如建亭施茶建
橋登路賑荒掩骨諸事邑人必推之爲首三與賓筵知縣

瑞金縣志

卷八 義行

三十七

熊郡守王直指周學使湯皆以扁旌之子時鳴另有傳

謝惟申幼失怙恃廢書習計然術家頗饒爲人極謹慎輕財
樂施遇歲饑則施糜粥爲族中貧者完婚死者葬土邑中
凡有興造捐助皆十倍他人邑令霍禹謨舉充介賓以扁
旌之

袁春蓉爲人慷慨睦鄰敦族性樂施與設渡船於茅山并施
田十五畝贍之丁丑歲大饑春蓉設粥廠於本鄉老弱不
能就食者計口給米又置義田三十畝以備荒其他恤貧
賑乏施樁助婚歲以爲常知縣田俞禮之賓筵

管大紀字立我家本素封樂行善事修學宮造徐口河石橋

建茶亭置寺院修塔培龍諸務皆身先倡首里中舊有社倉每年輪充社戶賠贖甚爲民害獨捐谷五百石懇請上臺蠲除社戶鄉人德之又建倉于村中貯穀萬石每歲春夏之交開倉借給貧民秋熟收還並不計息院道府縣皆旌異之

劉汝偉邑廩生質性英邁生平喜急人之難丁亥戊子間流寇圍城邑令徐珩謀諸紳士糾率義勇爲守禦計汝偉出家財以應軍需城賴以完徐君法嚴民惴惴不自保相仇者輒誣之爲賊羅織至七十餘人汝偉白其寃俱得釋衆感泣走謝汝偉曰賴令君之明雪公等枉予何力焉其子

瑞金縣志

卷八 義行

三十八

懋官孫志昇志顯俱有聲譽序

彭文部爲人溫和樂易與人無忤雖侮之亦不與校邑改建雲龍橋文部實董其役拮据勤勞凡五年而無倦色賑饑登路皆捐重貲助成美舉

賴惟旭字曰生厚重寡言才智過人善封殖致富萬金而取與一毫不苟佃戶遺租不能償者輒焚其券性好施予人有急贈以百金不惜造梁登路賑饑急難終歲不倦殆所謂富以行其德者歟

朱重智富而好行其德丁巳歲大饑重智捐穀百石以食坊隣之乏炊者建石橋于沙子嶧往來便之貧不能婚死不

能葬者悉解橐以贈邑令霍禹謨延爲鄉飲介賓

張廷球性醜謹家不甚饒強爲善戊辰己卯邑連歲皆饑穀價騰貴廷球于日東隘捐米數十石煮粥一月以賑饑人多所全活

郭方芟字斯敬國學生父多任喜施濟方芟善繼其志益多行善事甲申歲饑煮粥一月以活鄉人之貧者且躬任薪水之勞鄉人感之

范起龍邑諸生爲人醜謹慈仁好施丙辰寇亂後大饑出穀數百石以周貧乏人多德之

謝京顯明經惟璧父好善樂施雲龍橋墩爲洪水冲塌民多

瑞金縣志

卷八

義行

三十九

病涉京顯捐助巨石數百爲一邑倡知縣錢江嘉其義諭衆襄成之

鍾嘉萬邑廩生爲人清慎端方博綜經史具有幹濟才畧凡學中公建及通邑公事皆能倡率經理不辭勞瘁

鍾吉祈字唐裔由貢生考授州同生平慷慨仗義凡邑中修建不吝捐輸乾隆丙寅謁選京師未任而卒士論惜之

蕭鑾字弼襄自幼出爲叔父後與父同創家業父後生子五人父歿母偏愛己子析產時僅給鑾田七畝屋二間鑾欣然受之無間言復自經營積累致富而諸弟家竟敗落鑾乃以原給田奉母仍日具甘旨以養併分給諸弟財產終

身顧復其子孫人服其孝生平力行善事康熙癸未甲申間邑大饑出已貲走二千里外買穀平糶前後倡建雲龍雙清二橋獨捐數百金凡身綜其事後凡有修造皆舉鑿爲首人信之有素故其事往往易成云

賴士璋字秉純國學生賦性敦樸好施不倦嘗捐銀一百八十兩建山壩埠前橋又前後捐銀二百餘兩助建雲龍與上下羅溪涼灘石水灣山壩密前等橋又捐穀三十石爲社倉倡立茶會以飲行道之人砌通衢大路施義冢以掩枯骨每歲施棺以助貧不能葬者又嘗減各佃戶租穀四百餘石其他所行皆類此年九十尚康強無恙行善益力

瑞金縣志

卷八

義行

四十

劉芳聖字鮮睿由庠生入國學者授縣丞爲人慷慨仗義尤急人之難湖陂司巡檢陳加冕卒于官宦囊蕭然旅櫬無歸芳聖爲之經紀卒還其喪知縣徐瑗蒞任五十日遂卒後事無措捐數十金助之始得殯殮又爲之籌畫以作歸計嘗捐二百五十餘金倡建雙清橋邑人陳尚恬爲作傳以紀其事

楊枝貞字德享篤志力學攻制舉業時值逆藩構亂民無甯居又死喪頻仍遂棄去不事敦行孝友事父母生事葬祭鮮不由禮一弟天歿遺孤方一歲撫之成立將父遺田宅悉以畀之旣乃僦屋以居爲蒙師以餬口一日有沈姓者

以千金寄其室是晚被盜掠室物一空而金置牀頭顧無恙次日沈至卣曰所掠者皆吾物君金幸在舉以還之人驚歎以爲奇卣曰此何奇吾特不爲盜耳先是卣祖萬山有還遺金事至今子孫食其報卣踵行之人以爲克承祖德云

陳昌它捐社穀五百石併建倉廩一所于本里又增助黃坑口渡船一隻捐田租二十石贍之藩司彭給扁旌獎

盧渭熊倡造陳椿茶亭施田二十畝以贍茶費又施大黃岡山爲義冢康熙甲申出穀賑本鄉饑民民賴以全活者甚衆

瑞金縣志

卷八 義行

四十一

張世瑜捐銀二千兩鼎建彩虹橋

楊枝錦字德綱天性孝友康熙丙辰三藩變亂土寇蜂起人皆竄匿山寨時枝錦父病篤不能去乃獨留侍父疾賊至感其誠秋毫無犯父歿事母尤篤次兄枝銓家貧嗜學一切膏火及應試資斧悉出已財資之無少靳凡邑中公事如修橋登路建亭施茶悉殫力捐助生平敦樸寡言循循恭謹力行善事至老不倦夫婦皆年八十餘始卒親見孫于淵登乙卯賢書人以爲積德之報也

楊枝亮字德信賦質渾樸居心寬厚生平樂善好施人有緩急告之無不立應雍正年間修上下湖陂及湖陂河石橋

三座共捐銀百數十兩督理工程不辭勞瘁又倡建興隆庵茶亭聯集茶會并修甃大路及觀音前大路數千餘丈所捐不下數百金其家產不逮中人故人尤以爲難云

楊士琬字崑上郡庠生父九韜生子九人士琬行居五乃庶出子也其嫡兄某素性暴戾數加以非禮士琬含忍順受絕不與校後兄病劇士琬爲之調藥餌奉飲食朝夕不離死而經紀其喪纖悉周到人以爲難家故貧爲童子師以餬口祖祠圯出束修資首倡修復隣有朱姓者死不能殮復以十餘金資之凡諸義舉無不拮据以助生母患目失明士琬顛天以舌舐之逾三載遂復明人以爲孝感云

瑞金縣志

卷八 義行

四十二

劉元度字儒一郡庠生值鼎革之變奉父母入城避亂時聞廣流寇閩王總謝志良率衆蹂躪縣境田賊何志源等亦攻城掠野無虛日元度與邑紳士招集義勇屢破賊衆城賴保全順治五年江西金聲桓叛廣賊鍾四總等結連土寇列營四郊時城中乏食官民震恐乃首捐穀二百石銀二百兩助餉其弟俊生識先皆勇敢善戰元度命爲哨長賊來攻城輒擊殺之更遣使乞師汀州援至賊遁走知縣徐珩汀帥李應進錄上功當授職以親老固辭不受

楊方彥字聿秀國學生幼失父事母克孝事長兄如父友愛異母弟無閒言康熙丁未歲饑呈請知縣朱告糴他邑于

聖母宮平糶月餘民賴以濟雍正間修社稷壇及金字號
收字號觀音前等處大路皆身親督理不辭勞瘁年八十
猶康強健飯孫曾林立而行善之念至老勿衰

張汝洪好義樂施因鄉村流寓客戶死無葬處施已山一千
丈以作義冢後其子孫又施數千丈以續其志知縣馬士
奇聞于司道本府皆扁旌其門

熊賢俸乾隆十七年捐田十畝并退耕共收租息十八石以
贍軍田壩橋渡

張元信字完忠由監生授鴻臚寺序班爲人樸實忠厚家本
素封敦崇節儉至于利人濟物事則樂行不倦當鼎革時

瑞金縣志

卷八 義行

四十三

民死鋒鏑者畧白骨蔽野元信惻然傷之募人有能收集
遺骸一具者予白金若干前後所費幾千餘金又於桃陽
隘已山設立義冢三大穴將所收諸骸分別男女瘞之每
歲寒食必備牲醴躬爲祭奠仍命世世子孫率循勿失更
建庵一所于山側召僧住持看守義冢日施茶湯以飲行
人其他義舉率此類也合邑公舉充鄉飲大賓者凡九次
至今桃陽士民感激置主寺中尸祝勿絕其子孫繩繩繼
起不墜家聲乾隆五年修葺義冢僧寺知縣李元給扁嘉
獎

張彥字可永邑增生元信季子也居心渾厚品行端方待人

接物一以平恕有佃客積欠纍纍從不向索其人自愧將鬻其所生女子以償彥聞之疾馳至佃家取原券焚之且予金爲資本以全其骨肉一夕盜入室竊其財物一空次日有偵知盜姓名其贓物現存未散語之使鳴官追捕彥勿聽曰若輩爲饑寒所迫耳一陷于罪則終身不復可渝洗矣吾甯緩之使知自改有勢家某侵佔其山岡彥經親隣往勘某伏兇黨多人擒彥將甘心焉諸同行者力爲勸釋竟恬然受之不與校某乃自愧恨置不復爭其盛德感人也如此至于好善樂施尤有父風人以爲世濟其美云沈學慈多行善事康熙辛巳歲歉賑饑一月捐穀一百二十石雍正乙巳歲邑饑捐穀一百四十石以賑又捐銀五十兩修造獅形三合土橋一座

瑞金縣志

卷八 義行

四十四

陳芬國學生生有至性事父母備極孝敬友愛兄弟無閒言長兄早逝嫂氏矢志撫孤芬殷勤顧復卒得成立伯父子喪孫幼芬事之如父祖祠燬族眾贖錢八千文交芬生息不十餘年重構祠宇比舊址更加恢拓約費千餘金族人感激立扁以頌其德

劉芳義字舜由國學生天性純篤爲童子時常隨父買于楚舟至鄱陽湖風急舟破父沉于水芳義入水求得其父負之出復爲波濤所汨適一木浮來憑之以游數十里方遇

他舟救之皆得免後父歿事母盡孝與弟芳孝友愛無間
嘗捐重貲助建雙清橋倡眾改建馮將軍廟費數十金每
歲夏秋于憩雲亭施茶以飲行人知縣邱蘭標舉充鄉飲
大賓

劉亮字近山郡庠生幼失怙事母克孝次兄早亡嫂楊氏青
年守志事之如母爲立繼嗣又請于有司詳明建坊旌表
倡建義倉增置祭產學田考費以鼓勵後進乾隆八年米
價騰貴出穀百餘石減價平糶以惠族隣之貧者凡修理
學宮建丙丁二峯修雲龍雙清二橋皆爲首事乾隆間雙
清橋漸頽圯兩岸紳耆公舉管理橋會亮悉心竭力清出
田畝并捐已貲修葺完固又建元帝廟于橋之中央暑月
煮茶以飲行人通邑義之

瑞金縣志

卷八

義行

四十五

胡文翰字登苑邑庠生家本素封心存利濟見義必爲嘗捐
已貲四百五十兩買田五十畝贍合族春秋二祭又建義
倉貯穀二百石以贍族人之貧者又捐修各處大路共費
百金修雲龍石橋捐百金買營房岡山場爲義冢費價四
十兩修塘泥橋捐三十兩每值歲歉出穀減價平糶凡死
不能葬者助以棺柩其餘如修馬道建茶亭施茶助修義
冢諸事每歲不下百數十金年七十八卒

楊曰唯字達一賦性剛方行己正直不阿嘗面折人過人服

其義無怨惡之者好施與周急濟困鄰里賴之嘗捐金架木橋于邑南湖陂將終遺命其子長瑞長縉長環建石墩以垂永久長瑞等果能繼其志捐募成功邑人陳尚恬題之曰濟美橋長瑞字輯五邑庠生事父盡孝侍父疾衣不解帶者三年友愛諸弟始終無間生平尤多義舉捐貲修助丙丁二峯重建真君閣倡首捐募其第七子貢生名長瑜字次瑾亦仗義好施增修回龍橋石墩并捐修湖陂嶼石路十餘里于賴婆坳聯集茶會施茶人多頌之

楊時挺字介特天性孝友善處鄉里有賢而貧者多方飲助之若賭博爭鬪之事必力爲防遏或捐已貲以杜其隙兩

瑞金縣志

卷八

義行

四十六

建祖祠皆傾囊爲一族倡又撥已租五十角贍族人文會邑東北七里墩大路崩頽遣其季子貢生榮賀孫貢生昌河請于邑侯唐公募衆改築仍捐已貲三百餘金以成其功唐公屢舉賓筵皆力辭不赴夫婦皆年八十餘卒同里朱芾爲之傳

謝文瑞賦性純篤居家孝友生平尤多義舉嘗捐銀數十金建浮田墩石橋又倡首募修大路捐貲施茶間里有急難告之無不立應乾隆六年知縣李舉充鄉飲大賓先是大賓例選縉紳之年高有德者惟文瑞以耆民與焉鄉里榮之

楊天昌字遂千賦性敦樸誠于事親父功暹沾痲疾手足攣縮舉動需人天昌寡兄弟一身周旋左右晝夜無間歷二十年如一日生平尤多義舉嘗捐貲建黃柏橋樹二坑石橋二座以利行人死不能葬者施以棺先後約計不下百十餘具故鄉黨宗族咸以孝義歸之乾隆辛酉知縣李舉充賓筵子紹芳庠生紹秀紹珍俱國學生

黃日華字旭升其先潮之平遠人後徙居瑞金爲人鯁直見義勇爲初永鎮營建于小密距縣七十里時土寇蜂起縣議移駐城外聖恩寺居民畏兵如虎莫敢誰何日華毅然赴縣訴其不便練總某惡其呈控執而縛之楚撻幾死知

瑞金縣志

卷八

義行

四十七

縣廉得其實遂寢其議里人至今德之康熙十五年大兵追敗韓大任于邑東湖陂老虎嶺屍橫遍野白骨山積日華倡集同志築巨冢以掩埋之其從姪德玉早失父母撫之如己出旣長爲之婚娶人咸高其義邑人賴時鳴爲作傳以紀其事

張化龍字躍千賦性端恪勇于爲義邑東桃陽隘黃石隴路通長汀溪澗重複捐貲建小石橋四座以利行人又天門坳平地嶮爲往來要區數十里並無村舍捐建茶亭一所每歲秋夏同羣從兄弟施茶五月乾隆十二年知縣滿舉充賓筵鄉邑稱之

陳天緒字上燕爲人慷慨喜施予凡橋渡茶亭衢路悉捐貲
助建康熙甲申歲荒穀一石值銀一兩獨捐穀五百石賑
濟鄉里人賴以全活者多後遇小歉亦卽捐賑四次鄉人
德之子國炎字元文庠生亦多義舉人以爲善
成親志云

陳緣亨字亦純歲貢生天緒之孫爲人英敏好學能文章處
已接物咸以禮義尤喜行善事凡鄉邑公事嘗身先倡之
雖重費不惜鄉隣婚嫁喪葬貧不能辦者必竭力飲助毫
無德色乾隆壬申歲米價騰貴穀一石值錢一千五百文
緣亨捐米八百石賑恤同里人無饑者癸酉重建學宮慨
捐二百金邑侯郭公欲以其事上聞緣亨歉然不自足求

瑞金縣志

卷八

義行

四十八

寢其事其樂爲善而不務名若此

鍾吉韶字篤周國學生性好施與丙午歲饑出粟數百石散
賑人賴以活又捐二百餘金甃大勝墩石路數百丈辛酉
知縣馬舉充賓筵

袁蔚字錦秋年十四入郡庠康熙戊戌援例充貢爲人侗儻
任俠喜讀書重然諾設法創立祭產以供祀事遷改祖塋
修理頽廢皆一力支持毫無委貸親友有急難告之無不
立應著有藏愚堂詩集

鄧之宣字周文性好施予嘗立義冢以葬族人之無後者鄉
黨有急難告之立應居近縣前潭昔有官渡廢已百餘年

慨然以興復爲己任捐葺公壩及南岡灌坑兩處田共二十畝以贍渡費又捐出本錢二十千生息爲修造渡船之資邑人咸多其義

鍾震康字攸甯世居清溪康熙甲寅乙卯間三藩蠢動所在盜賊蜂起統率鄉人列十寨自守號令嚴明賞罰必信後賊某攻破甯都某鄉恃勝而驕驅大隊過清溪遂擄十寨扼其要路夜半以百人從間道邀擊大破之奪回所擄女口數百各訪其家還之生平見義勇爲爲鄉黨所賴藉子吉晃字上竿質性過人敦行孝弟鄉人稱之

楊展抱字聿體邑庠生孝友天性學問賅博善屬文追蹤先

瑞金縣志

卷八 義行

四十九

輩不屑苟趨時好屢困童子試年五十始小售旋棄去立身行己一遵禮法人有過恆面折之人雖銜之刺骨弗恤自祖以上十餘世凡公田祭產爲權其出入悉心區畫纖毫不苟不數年恢拓數倍於前族人咸服其義

曹壽德字仕祥爲人恭遜質儉好施予先是壽德自清江遷居瑞金家業稍裕因置田五十餘畝付原籍族人耕種以爲修理墳墓并春秋祭掃之費族人屢吞租不償槩置弗問人勸將此田轉售於人則曰某等舍此將無以自活吾何忍焉有應其祥者由豐城來瑞子身無倚壽德憐其幼孤偕之貿易所獲贏利與均分且築室同居飲食服御無

少異見者不知其爲異姓人也會昌白沙楊某貸金娶婦已生子矣貧不能償願以子爲役壽德婉言以謝卽取原券焚之康熙己巳丁丑邑大饑爲食于聖恩龍山二寺以食餓者又施棺以葬道殣他如修橋登路諸義舉無不竭貲以助孜孜爲善至老弗倦子兆裕邑廩生

鄒應璞字逸山生而英敏具幹濟才家貧親老甘旨不足于供乃棄詩書業商賈覓贏利以奉其親至三十時家漸起然性慷慨知大義隣里有緩急告之無不立應乾隆辛酉暨癸亥水旱洊至應璞首倡出粟減價平糶族人賴以全活者衆適

瑞金縣志

卷八

義行

五十

朝廷詔郡邑勸輸社倉獨捐三百石建倉于里中 藩憲彭給扁旌之嘗念族中諸無嗣之人死無所倚欲創立義田以永其祀事未成而卒其子華國因建祠一區置祭田三十畝以成父志士人多尚之

鍾遙字帝勅邑庠生才具敏達兼有至性幼卽代父經理家政竭力以奉甘旨年十七怙恃俱失喪葬盡禮凡父手債負一力清償毫不累及兄弟其四弟曾貿易折閱負胡敏生本銀千金遙典鬻己業代償畧無難色仍多方教誨竟得係籍膠庠又捐己田四十畝爲父蒸嘗與兄弟五房公共從子吉同吉魁貧不能娶爲之完配以續宗支族某值

當里遞遺糧若干將鬻婦輸官遙捐貲代納俾家室復完且創建祖祠修族譜創祭田學田以惠及通族人咸義之子見龍孫毓秀毓元皆膺鄉舉人以爲孝義之報也

楊枝丰字德現國學生性慷慨知大義居家孝友視弟姪如子鄉人服其行凡有爭訟成質成焉平情排解無不帖服人有急告之無不立應每歲聯集同志于大埠橋十里茆岡等處施茶以飲行人壬申歲饑舉債數百餘金以濟通鄉之貧乏者其他所行多類此故一境咸賴之

邱章亮字彩輝九齡失怙孤苦無依撫幼弟二人左提右挈備歷艱辛俱得成立勤儉寸積稍成家業嘗捐百金創建

瑞金縣志

卷八

義行

五十一

通族祖祠每遇歲歉出粟量升斗借給鄉鄰貧者不責其償凡衢路傾圯橋渡斷壞皆隨力修築至若施茶施棺諸事皆實心行之年八十六以壽終子可禮國學生克承父志

劉良球字連璧好善樂施嘗建庵亭于丫髻嶺捐油租五千勛募僧煮茶以飲行人并置產以贍其後康熙壬午癸未大饑出粟以賑鄉隣自後每遇歉歲皆行之勿怠又歲施棉衣及棺木以濟貧乏人咸德之子之昇字步曹庠生爲人慷慨重義亦有父風

李昌葵字錦士幼失怙事母備極孝敬友愛二弟內外無間

言凡族間及邑中營建公事悉著勤勞爲眾推服

李昌芹字泮士國學生弱齒失怙家貧竭力以奉母甘旨與兄弟友愛無間處衆謙和從未嘗有疾言遽色勤儉寸積家業漸起安分守法好義樂施凡邑中公事皆捐貲襄助畧無吝色創建祖祠設立祭田歲旱常出穀減價平糶以惠鄉隣人咸德之子二長日炳貢生次榮貢生

賴善優字穎士增廣生篤學好義弟死姪幼撫養之如已子設法捐立祭產以供祀事宗族鄉黨有以匱乏告者無不稱其人之意以去乾隆十一年知縣馬舉充鄉飲正賓人咸推服年七十四卒

瑞金縣志

卷八 義行

五十二

梁求宏字則敷幼貧苦辛勤拮据創立家業生平不事浮華不侈結納閭里飲其長厚宗族稱其孝友年未壯而失妻子僅七齡人勸其再娶則曰邀天之幸吾兒成長得承宗祧足矣遂終其身不娶年八十四卒鄉人咸服其義

劉嘉晁字御茲爲人樸實忠厚好施予嘗捐銀五十金助建雲龍橋又捐一百五十金助建雙清橋癸未歲饑捐米數十石助賑饑民丙戌洪水爲災施棺木以葬溺死之尸皆盛德事也他所行事多類此子芳綱歲貢亮庠生

章士懋字憲美先世由閩徙瑞遂著籍瑞金性慷慨尚義嘗撫養同宗孤子日湖有成同鄉張氏子爲僮主歷爲奴士

懋力爭之官得免又告免烟葉行戶歲徵雜費康熙五十三年赴陝捐納適收捐者虧餉以致報部無名遂控部核實一時同捐者皆得領回原項人咸感其義焉

李常聲字虞音由庠生入監授縣佐性剛直博覽羣籍尤究心岐黃好施予康熙甲申歲大饑邀集合邑紳士各捐米三十石於生生處賑粥又獨捐二百不以給老弱婦人不能就食者凡病者施以藥餌死者助以棺槨歲以爲常橋渡茶亭倡首捐建雍正甲辰上下湖陂倒壞率眾修復備極勤勞是皆功在一邑者至爲故兄常馨立嗣又分產以續從父建陽之祀其孝友尤人所難及云

瑞金縣志

卷八

義行

五十三

康禹定若鑑各捐銀二百五十兩倡建雙清橋又同蕭弼勳等捐田四畝又自捐田五畝以備修葺之費

賴世榮字仁庵樂行善事每值荒年賑粥以活饑民凡橋梁道路捐貲修砌以爲衆倡知縣某舉充賓筵壽八十四子德賓亦喜施予

劉元瑚字禹珍郡庠生自幼聘邑庠生陳敏之女爲妻後陳女病廢手足攣縮蹒跚蹶躄殆無人狀元瑚父郡庠生劉亮聞之欲爲改聘妻父恐女歸見棄于夫亦請退婚元瑚曰是吾命也吾不娶是女不終爲棄女乎竟娶之其父欲爲置妾元瑚曰天不絕吾是當有子後果生二子元瑚年

三十而卒其婦撫育遺孤備極勞瘁人謂夫義婦節萃于一家云

賴學臯生平端慤自持是非曲直鄰里有爭一皆聽其論斷未嘗訟之于官子汝序居家孝友排難解紛亦爲族黨所重

劉九錫字南澗幼失怙撫二弟成立友愛無間言秉性嚴介素爲閭里推服嘉靖二十八年歲饑出粟賑救民賴以全活者衆邑侯陳以其事聞之上官悉加獎譽後舉充賓筵以壽終今其子孫蕃衍衣冠輩出咸以爲積德之報云

顧文鼎字彌峻弱冠隨叔祖惟先辦理漕務惟先病文鼎服

瑞金縣志

卷八 義行

五十四

侍周謹及死囊無所餘多方設措謀之同事卒返其喪及後惟先子將贍漕公產典鬻殆盡又代爲贖回併還清積欠不下數百金創建祖祠并設祭產以供祀事鄉人之貧乏者多方欣助不責其償又倡衆修建庵于前石橋一座興復松竇庵常住以繼祖志他所行皆此類也

賴韶熙字任庵穎敏勤學每歲攜子天德讀書邑之某山歲暮乃還經史要義丹黃提撕爲文守先正矩矱後父子俱有聲黌序

陳崙字扶山性慷慨樂施予黃竹嶺與閩汀連界明萬歷立關此地道路崎嶇過者苦之遂自山頂至山脚闢坦途十

餘里兩旁夾栽松杉雜木數千株以蔭烈日半山建亭一
所暑月煮茶以飲行人嶺下建石橋一座又施小排及寒
婆灸熱嶺等處義冢其父西池先亦施有義冢二區一在
陳峯馬濟塘一在日東蓮排人謂崙家世以樂善爲箕裘
云

鍾叔宏明成化間邑饑捐穀三百七十五石濟荒縣上其事
旌表義民

鄒廷泗質直好義慷慨樂施往閩貿易有婦人將溺水廷泗
見之詢其故知爲廖氏婦夫負重逋甚急將以婦償婦不
從故赴水廷泗惻然捐囊中金召其夫代償之其夫曰恐

瑞金縣志

卷八

義行

五十五

無以爲報廷泗曰全汝夫婦耳何望汝報遂歸其義行類
如此

鄒廷取敦倫知大義嘗置祭產以供先祀立學田以勵後進
遇鄉邑公事捐金以助毫無德色獨力捐修長工塹通衢
以利行人明嘉靖辛酉廣寇掠境廷取集義勇拒之境賴
以安此其義舉之大者吏科給事中鄒元標爲作傳紀其
事

鄒應禮字達衢性好義有俠士風凡遇橋梁頽圯捐貲修整
嘗建旗于下石橋一座又嘗贖金施棺以助貧不能殯葬
者善著鄉邑當道上其事授以義官頂帶

鄒如英性孝友才具過人明崇禎時寇賊蜂起民不聊生乃集義勇堵禦有方盜賊潛遁鄉里晏然

管坎十字卜吾明萬歷丁酉建毓秀臺捐助百餘金載舊志其他修學造塔立社倉建橋修路施棺施粥施茶等諸善事靡不樂為當道上其事榮膺冠帶

管大權字白意貢生明崇禎二年造學宮助銀二百兩碑存大成殿

國朝

熊賢俸字廷秩例貢生乾隆十七年捐田十畝贍軍田壩渡

載舊志二十九年捐造大埠隘蟬口石橋一座三十二年捐

瑞金縣志 卷八 義行

造隘嶺半嶺亭茶亭一座四十七年捐造馬岡壩石橋一座四十八年捐修五工嶺下石路數百丈又蜈蚣形石路數十丈石橋一座四十九年同職員鍾夢鳳合修鮮水塘石路數千丈石橋一座又捐田一百四十七畝以立祖先祀產凡邑中義舉無不捐貲以助其成

鍾書雷字文震性孝友具練達才善持家政經理裕如嘗念祖先乏祀聚族釀金權子母置一世祖祭田二十畝十五世祖祭田三十畝二十世祖祭田三十畝太高祖祭田十四畝又念譜牒未備于乾隆辛丑年倡修更建學田二十畝為新進燈油之貲凡鄉邑中善事無不盡力贊成子

香勳克承先志孫奕德登嘉慶己卯賢書

陳文珍字冰若少孤貧事母盡孝與兄同居友愛無間有中表張在政家貧病且殆珍爲多方調治耗百金不計比愈更爲婚娶給田以養有故人李昌鈺遺孤鬻爲僧珍捐金贖之撫字成立每值歲荒出穀減價平糶人多德之孫玉書起篋皆領歲薦曾孫元孫膠庠濟濟人謂厚德之報云李鴻舉國學生爲人敦樸樂善好施嘗捐建珠地壠和尚陂龍頸柿嶺下三處木橋以便行人又倡建紫雲山內觀音堂一所捐貲百餘金其他義行多類此

劉必耀字介絢性孝友樂善好施年十六失怙家貧艱于日

瑞金縣志

卷八

義行

五十七

給後劬勞創業家漸饒撫二弟教養兼盡嘗增立祭田六十七畝建設學田三十畝又于窰前下山壩松山下岷頭等處橋渡各捐貲以贍渡費皆詳載碑文年六十八卒子定貢邑庠生

陳烈字仰忠邑廩生天性純篤少孤貧教讀養母善承意旨撫一弟二姪雖已分析而婚配教育皆力任之又立祭產百畝置生童科費五十畝族人設位崇祀以志弗忘下埠橋會中落出力經理以臻充裕鄉人賴之子鳳儀邑庠生楊昌潮字應月嘉慶三年修城垣僉舉督修始終不倦功成縣憲劉給扁獎勵又嘗督修雙清橋不辭勞瘁凡族中義

舉多出潮手一切經理裕如

鍾能仕字待聘平生孝友好施予有讀書未能從師者以貲助之性喜文士延師課子備極勤敬捐建學田六十餘畝以培植後進遇橋梁道路及邑中諸大營建無不盡力助理子紹芙例貢生紹苡紹芬國學生孫曾林立

鍾崇賢字廷舉國學生敦樸有至性事親能孝母病侍疾數月衣不解帶嘗捐田二十畝贍合族春祭捐銀百金修祠宇又捐田十六畝供中賴渡費嘉慶甲戌歲饑減價平糶一月鄉人德之子仁彪援例府經歷仁健邑庠生

李義士例貢生捐田十畝五合贍南門外利濟渡前縣張作

瑞金縣志

卷八 義行

五十八

文記之

劉貴海捐建浮四新逕隘白沙田團龍寺佛庵一所乾隆五十六年族人劉文晃因庵寺坍塌倡首重新又踏逕隘江豬潭橋渡係劉文晃之祖劉荆璧捐金首建

謝春洙字文池天性純篤嘗分已田十餘畝養兄又捐田十五畝爲祖醮祭乾隆二十四年倡首捐金建立祠宇一切善事皆樂爲之子鵬程例貢生嘗捐修本里上賴壩及下茅山大路各百餘丈

陳開燦字次玉幼孤事母孝母歿後復爲外祖楊方欣設祭田數畝又念舅氏楊于干孤獨無依迎養至家身後事俱

身任之族人欲建祠無措遂倡首集金數十權至數百于
乾隆丁酉年創建祠宇合族嘉之其他善行多類此子一
新邑庠生亦善承先志

張靜遠國學生捐建日東馬鞍潭口木橋一座長十丈餘以
便行人又設租五石爲永遠修橋之費

管尚謙字和庵竭力事親好善樂施捐造卓雲峯寺觀一所
並施周圍山場古木及皮骨田八十石又武庫山寺觀一
所周圍山場古木皮骨田二十石太平柵寺觀一所周圍
山場古木皮骨田二十石立有碑記凡邑中義舉無不傾
囊相助

瑞金縣志

卷八 義行

五十九

管明耀字樂耕性孝友喜施予捐造湖陂墟四處橋六座施
壬田寨中灘闊頭山下義冢一處入工垵長岷義冢一處
其他善行多類此

管廷輔字訥夫慷慨慕義捐施華蓋山寺庵一所及山場古
木山下皮骨田一百二十畝供佛養僧又施橋頭井背壠
義冢一塊載漏澤園志五通神廟一所凡一切善事靡不
樂爲三舉賓筵

管鳳翹字辰玉優廩生慷慨仗義康熙丁巳十二月三十日
土寇韓大任統兵數十萬奔至湖陂老虎岷焚掠鄉村鳳
翹與其子天晃孫之宏志甯籌畫免害捐谷萬石白鏹一

盒餌賊焚掠始息戊午正月初三日佟將軍率大兵至賊
遂平鳳翹又捐造義冢掩埋枯骨并建水陸道場費銀數
百金鄉邑咸稱道其德弗衰

管天晃字敍五樂善濟貧康熙丙辰流寇入境焚掠婦女劫
擄鄉村出谷千石募義勇禦賊丙戌大水漲溢廬舍漂沒
溺死無算生者露居絕糧又捐谷千石以給之鄉人戴德
管之宏字聲士好義樂施嘗賑饑施茶又捐造玉爐山寺院
一所四面山岡古木及皮骨田二十石又建觀音前石橋
一座土樓背石橋一座

管永泰字松瀾監生乾隆壬申歲大饑死者甚衆出穀賑鄉

瑞金縣志

卷八 義行

六十

計丁口給米至新穀收成始停給鄉人德之

謝朝洙字東溪例貢生性孝友施與勿吝事親得其歡心有
嫡兄泮家貧攜其子婦同爨教讀婚配不啻所生後復分
田二十畝令其自立堂弟溥幼失怙恃撫養以至成人更
爲完婚凡族黨中貧乏周恤不少懈他如捐造嶂下坪石
橋增修廟亭道路諸善行皆實心爲之年八十四卒子拔
英邑庠生

熊登瀛字瀚文廩貢生候選訓導歷署義甯州學興安崇義
縣學事行誼端謹表率有方居家尤樂善好施於乾隆四
十五年捐修鵝公隘路數十丈石橋二座四十七年倡修

族譜五十年捐造土圍隘七工嶺茶亭一座每年施茶數月共費千有餘金嘉慶十年歲饑捐賑七十餘石十四年又捐八十餘石十九年復售產銀二百餘金普給族隣里人至今稱道之

鄒道傳字一中爲人質直事母盡孝嘗置祭田一百二十畝以隆祀事凡邑中諸大營建無不傾囊相助子奕香國學生亦好義有父風

謝維周同弟禹庠位荆兩青皆國學生生平友愛無間尤加意讀書嘗捐田數十畝爲家課之舉每年四課俾族中後進爭自濯磨族人感其德立春秋二祀以報之

瑞金縣志

卷八 義行

六十一

鍾道素於嘉慶二十五年捐造黃岡腦茶亭一座費貲五百餘金并捐租十五石爲每年贍茶之費

楊殿臣例貢生好善樂施于乾隆五十八年捐修南埤甲蕉布迳大路計七八里有餘行人便之

邱立上字登雲爲人正直慷慨於乾隆五十六年捐田八畝載租二十七角贍小舟坊橋渡勒有碑文

楊其岑其嶠兄弟捐修車斷隘觀音石下路約四里許整齊完固費貲五百餘金遠近德之

劉魯川捐修安溪橋大路直至觀音前石橋及磔子腦茶亭一座又捐田六工爲每年贍茶之費

劉心貴字方賜邑庠生敦本敬宗于乾隆元年捐貲倡修譜牒又創置祖先祭田一百五十畝族人嘉之咸矜式焉鍾集成慷慨好施于乾隆四十五年捐田租二十二石送入書院膏火迨五十一年集成已故其妻潘氏體夫志又捐膏腴田二百二十二畝爲合邑文武歲科試卷資經邑紳等呈請咨部前署州石讚韶撰有碑記豎立考棚人謂集成夫婦皆好行其德云

鄒尚質邑庠生有幹濟才當順治初草寇掠境士女仳離遂毅然統眾集武平山堵禦一鄉賴以安全康熙庚午知縣張舉充鄉飲正賓

瑞金縣志

卷八 義行

六十二

鄒學聖性淳朴不苟取一日過望江亭見一布囊拾之得銀二百五十兩遂不他往堅坐以待久之一人踉蹌而來學聖詢以故以遺金還之客將酬以金學聖曰吾望汝酬不如懷去矣謝不受後孫曾鼎盛代有衣冠人謂還金之報鄒家相邑庠生幼穎雋氣度超羣有閣部郭公居閩操銓政以其文行首列薦剡力辭不就其高誼如此又捐田數畝以廣祠宇基址其他義行多類此

劉于貴字慕廷持已端方閩里咸服其屋側石螺嶺乃邑西北要路山徑崎嶇嘉慶丁丑年于貴捐金二百餘修砌平坦行人稱便又爲五世祖創置祭田爲族設家課以勵後

進倡首捐銀三百三十餘兩其一生義行多類此年八十四卒

鍾禹陳性慷慨樂施先年徐口河原建木橋其祖汝良集同志起會爲修橋費至禹陳手權理積貲三千有奇遂于乾隆四十三年董建石橋一座四十九年大水將東北岸石甕冲倒禹陳捐已貲數百兩修整嘉慶二年又被大水冲敗禹陳復捐修完固鄉人爲勒石記其功

鍾睦庭捐修洪江坡大路數百丈又建茶亭一座需費數百餘金每年施茶四月

鍾遙鳳字韻階性孝友善持家政嘗倡修族譜增置始祖以

瑞金縣志

卷八 義行

六十三

下祭田數百畝有曾叔祖壁山絕嗣其系下墳墓淹沒遂爲遷葬一處俾得歲有祭掃堂叔母死未能營葬鳳悉爲經理九堡墟有真君廟日久漸頽鳳捐貲倡修其一生好善樂施類此

劉萬鳴爲人純謹有至性嘗置學田三十畝以培植後進劉慕雲嘗捐田四畝爲合族幫漕運又葉坪信義兩處每年捐租谷三角以贍渡費

楊光潢字一川富而好禮董修崇聖祠功力居多呈請州院連試雖限于定制事不果行然關心士類用費千金亦難人之所難者

陳孟珪慷慨好施見貧病周急之明天順間江南大饑公聞惻然捐穀五百二十五石賈呈助賑官以其事上聞旌曰義民冠帶榮身

陳無逸好善樂施明成化辛亥朝廷舉行勸分之例公慨然捐金助賑上嘉其義勅賜宣義郎

陳右坡明時選貢任臨江府訓導曾捐貲倡修臨江府學入名宦祠

陳展儒性恬淡兄弟友愛好善樂施雍正乙卯時疫斃人貧乏者苦無葬所公捐義冢掩埋無算

陳洪力行善事目覩甯都雲臺觀停柩甚多心惻然買山葬

瑞金縣志

卷八

義行

六十四

白骨千具費千金不吝三遇饑荒捐穀千餘石賑濟全活甚衆

陳卓性耿介遇事慷慨本處龍陂橋梁傾頽公獨力捐造以濟行人己亥庚子饑發粟賑濟

陳蔚起陳服周己亥庚子各發粟三百石救濟族隣

陳卜五兄弟捐穀三百石起義倉服屬之鰥寡貧乏不能葬娶者悉取資于此己亥庚子饑捐穀四百石救濟族隣

陳平西好善樂施見貧病者周給之有姓賴者畜鷓鴣捕魚爲活忽病困數月負欠二十金及病愈索逋盈門鷓鴣亦已斃矣將嫁妻償債妻痛哭不忍去公知之以二十金償

之夫妻賴以完聚復與銀若干使買鷓鴣復生業後公逝
漁人趨叩靈前痛哭不已公之子出詢始知之嗚呼此非
爲善而不欲人知者歟雩都青塘姓何者聘族女貧不能
娶欲離婚公聞之惻然遂捐六十金完何婚娶至成橋梁
平道路設茶亭修廟宇動費千金不惜焉

黎象輝世居桃陽隘筭別甲耕山食力秉性淳厚該處路通
閩粵山路崎嶇負販者每遇昏黑卽虞蹉跌象輝則束薪
結草日於險隘處豫設以待遇有危橋仄徑力爲修築如
此五十餘年力行不倦壽至一百有四歲今歿已二十餘
載往來行人猶嘖嘖稱道之

瑞金縣志

卷八 義行

六十五

黎茂連卽象輝從孫能繼翁志修砌石路數百餘丈至今黃
鰾口樓子壩直達汀郡已成坦途又於觀音庵前暑月施
茶以濟行旅捐雞栖坑田租三十角永爲施茶之需

楊光奉字亭廷力行善事掩骼埋斃時復濟人困乏貸不能
償者輒焚其券無德色嘗捐建大率隘趙田下賴甲并黃
沙隘大坪腦二處石橋更囑嗣國治捐建黃庵隘浴壩丹
坑木橋修砌黃沙隘老鹽街至大塘面及平地隘栢地甲
麻子圪山路各百餘丈以利行人士論稱之

劉永慶公堂在桐木隘石螺嶺原建僧庵一所捐租二十石
又捐糧田二畝山業一塊爲奉佛燈油之費又捐建茶亭

一座於庵側每年施茶四月

瑞邑士民素知尚義現修邑志城鄉各姓踴躍樂輸除將捐
輸細數勒石以昭義舉外所有首先墊浚及勸輸樂助各
姓名特爲開載墊資則廖羣蘇鍾梧岡楊輝野楊騰岳鍾
和卿楊玉泉廖若慵鍾蔚章勸輸城內外則廖牧園張範
堂兩學師偕緣首賴冠源楊玉泉楊懋堂劉樸村廖若慵
楊岳廷楊遠樓鵝公隘則朱才儲鍾靜山鍾韻簣潭屋隘
則朱士霖劉敏臣曾師固謝璇玉陳輦隘則盧新嶽桐木
隘則鍾藹蘭鍾貯臺鍾元初鍾著勳土圍隘則朱絢堂車
斷隘則楊秀起楊亮村踏逕隘則鍾蔚章劉廷燦郭燦東
瑞金縣志

卷八 義行

六十六

新逕隘則劉嘉會劉蕙蘭袁謹亭謝煥若新中隘則陳瀛
山謝蘊明鄒儀莊七堡大埠隘則廖芳元鍾道昌呂時彪
萬田隘則袁艷池黃安隘則丁絢堂廖馨揚湖陂隘則管
履康管清源日東隘則張友堂李榮蓁桃陽隘則鄧柏和
平地隘則陳繼勳鍾馨廷朱望霖黃柏隘則鍾萃長謝青
廬池口隘則羅叶飛羅若興羅積倫羅家旭王翠環智鄉
則張維周陳翰青陳象昭陳蓮青羅家棠謝滌波宋殊姿
等廣爲勸善衆志奮興俾邑中文獻光昭以成七十年來
之盛舉洵足志也

新增

陳承蕙監生居智鄉之夏灞性豁達嫻書畫尤慷慨好施嘉慶庚申秋甯都江水溢居民大災溺尸漂至村外黃坑口者無算蕙觀之惻然憇出倉谷募土人收瘞其可收者巨浪中有附物倖生之人拯起贈衣物路費資之歸遠近義其行

陳年柱字勤添監生豪爽好施予嘉慶庚申甯都江大水溢及村口柱募土人收瘞漂尸費多金有佃人張某貸人三十金歲暮爲索逋所迫謀嫁妻以償柱聞即喚佃至家問該債子母若干予金使如數償之夫婦得以全後里中復有二人因窘迫欲嫁妻度活者亦如前單金救全之道光

瑞金縣志

卷八 義行

六十七

二年年八旬鄉族壽以匾曰壽考義人并綴引語誌其概袁名祝字萃三監生爲人謹愿居家儉約却好施與凡橋梁道路之屬助貲不勝計道光甲午歲大饑祝設法拯救減價平糶隣里賴以全活曾捐棺木百餘具以葬貧不能葬者遠近稱之後子孫多俊秀鬢秀蜚聲人以爲德報云楊于時字懋堂事父母愉色婉容務得歡心撫二孤甚友愛自少至老欣戚皆同飲食寒暑皆體察有姜肱溫公風兒孫并姪與姪孫數十人婦女亦數十人數世同爨教以禮法周其慈惠無谿勃怨望者厲已接物本諸誠篤鄉族有紛爭事曲爲調劑輒如雲陰解駁人咸德之道光間邀合

族捐修龍珠塔籌畫底成他義舉靡不盡心力未嘗言功
衆以爲老成人焉

劉秀瑜字采玉天性肫摯篤於人倫有姪兒德萃幼聘楊氏
女貧不能娶乃爲之備禮完婚德萃夭折遺孤甫二齡姪
媳守節撫孤復撥谷田十石與以契以爲養膳之資岳母
楊氏孤貧無依迎養在家數十年衣服飲食無缺合族修
祠修家譜皆墊貲倡首總特出入纖毫不苟邑中有義舉
靡不殫厥心力咸豐丁巳雲龍橋第七甕崩董理修復合
邑所助金不足爰捐金三百餘兩以藏其事沙子岡爲壬
田通衢特捐建茶亭一所又造店房二間即將店租爲每

瑞金縣志

卷八

義行

六十八

年暑月施茶之費風雨可避苦渴可解行人德之

劉秀仁字育民家世業農天性誠篤有弟三人秀興秀景秀
盛景早卒惟興與盛在父母歿後將析遺產爲四以待承
景祧者察二弟意不欲乃三分之既而以興第三子嗣景
特撥已田八畝與之太高系下乏嗣墳墓多頽塌捐貲悉
爲修葺每歲祭掃必周村北斷龍坳邑之通衢山路常被
水衝往來維艱特砌石數十丈又於夏月施茶路側以飲
行人道光甲午聞行旅被盜劫於坳詢知其窩集衆捕盜
送縣署鄉族有不洽力爲勸解人服其公平咸聽從焉

監生劉克松邑北關外之蒿薺岡人生平善居積有餘財輒以作善事于信義村捐建木橋一座以濟行人復捐信義墩皮骨田十工五合正歲收額租十四石永充修費同治三年髮逆竄境攻破旱坑圍竹馬寨等處殺人如麻尸骸狼藉松募人檢拾得百餘具擇地設一義塚安葬費用二百餘金其他砌路修寺塑佛飯僧諸善舉不具紀紀其大者

楊會星字巨光性樸素節嗇衣食營坐賈漸致饒裕居平慎言動接人以和無相忤者年六十憮然曰吾以薄產基始今幸家計外有餘貲將漸次爲有益於世之世庶不虛生

瑞金縣志

卷八 義行

六十九

旣命子家彥讀書待師隆重凡邑中修舉之事捐輸不待勸勉邑有巖坑溪上下兩石橋上橋未壞下橋於咸豐間爲大水衝塌巨光乃架木橋以濟行人旣而欲捐造石橋橋始建於前明呂邑宰至

國初而橋圯賴氏復捐造塌於今巨光告賴氏之裔皆曰善無競爾我君可爲之巨光擇舊橋之上岸寬而流緩者鳩工造石橋數墩視舊橋更長凡用鏹壹千幾百緡惜石工不慎橋爲水損巨光將修使完固旋以病卒

義行

邑紳習前賢遺風多惡公尙義之輩前縣令孫於同治辛未奉省檄修縣志開局設規延文士纂修至壬申兩次呈稿省局尙未成全書孫卸任後停局同治甲戌署縣事張裁定事宜擇紳經理復於秋月開局延前之操翰者更增數人續修并召梓工開雕至次年夏間全書刊成秋初裝輯歲事其間任經理者楊世霖劉德蕙鍾章玕鍾觀治劉德裕賴光偉謝畫三楊其悅楊元應營辦局務殫厥心力克底于成爰錄其姓名以垂於後

